

Aretxagazeta

ARETXABALETA / Egubakoitza / 2005eko uztailaren 15a

389. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxe: 943 77 18 54 • Posta elektronikoa: zebarrri@goiena.com • Lege gordailua: SS378/94

Etkez etxeko zerbitzua ematen duten langileak kezkatuta daude

MIRARI ALTUBE

Etkez etxeko zerbitzua kontratatzeko lehiaketa deialdia egin du Udalak, eta uztailaren 20an bukatuko da aurkezteko epea. Etkez etxeko zerbitzua ematen duten langileak, baina, kezkatuta daude, ez dituztelako behar beste baloratzen.

Etkez etxeko zerbitzua ematen duten langileak, 22 inguru, kezkatuta daude euren lan egoerarekin. Baldintza kaskarrak dituztela eta estimu txikia jasotzen dutela salatzen dute.

GAIXO ETA EDADETUAK ZAINTZEN

Gero eta urte gehiago bizi gara eta pozik hartzen ditugu urteok, baina gorputzaren gainbeherak laguntza beharra eskatzen du sarritan. Orain arte etxekoek zaindu izan dituzte gaixo eta edadetuak gure etxeetan, baina gero eta laguntza handiagoa eskatzen dute. Eta laguntza behar dutenerako hor daude etkez etxeko zerbitzua ematen duten langileak.

Emakumeak izaten dira gehienetan, 22 inguru gure herrian, eta maitekiro zaintzen dituzte gaixiak, edadetuak, umeak edo laguntza behar duen edozein. Etxeko garbitasunak egin, bainua hartzen lagundu, jantzi, paseoa aterara, norberaren arazotxoak entzun, aurrera egiten lagundu... Zer ez dute egiten langile horiek...

EDOZEIN LANGILEREN BALDINTZAK

Herriko gaixo eta edadetuak zaintzen dituzten langileek egiten



Aretxabaletan 22 langile inguru dabilta lanean Gizadi enpresaren eskuetan.

Ettxeko garbitasunak egin, bainua hartzen lagundu, jantzi, paseoa aterara... Zer ez dute egiten...

duen lana balora diezaietela eskatzen dute: "Oso gustura egiten dugu lan, horrexegatik bakarrik jarraitzen dugu, hortaz, edozein langilek dituen lan baldintzak gurako genituzke: jai egunak eta antzinatasuna ordaintzea...", diote Aretxabaleako langileek. Politikariei eskaera zuzena egiten die-

Gustura egiten dute lan, hortaz, edozein langilek dituen lan baldintzak gura dituzte

te: diru gehiago bidera dezatela Ongizate Sailera. Udaleko kideei, bestalde, zera esan gura diete: langileen arazoaren aurrean ez garbitzeko eskuak, eta lehiaketara aurkeztutako enpresa hartzerakoan langileendako zein proiektu dituzten begiratzeko, nagusiez eurak arduratzen direlako.

Ez zuten onartu Aretxak aurkeztutako mozioa

M.A.

Ohiko osoko bilkura egin zuten astelehenean, eta EAJko zinegotzi bat izan ezik gainerrako guztiak elkartu ziren. Mozio bi aurkeztu zituzten: lehenengoa Aretxa plataformarena herriaren borondatea betetzeko eskatuz, eta bigarrena Aralarrena Saharari elkartasuna adierazteko.

Bost eskaera egin zizkion Aretxa plataformak Udalari mozioaren bitartez, tartean, eskubide zibil eta politikoen eskubide urraketa ahalik eta azkarren gaintzea eta kargurik ez dagokien hautetsiei LOREGen 182.2 artikulua bidea abian jartzea. Hala onartuz gero, duela bi urteko hauteskundeetako emaitzak onartu eta haren ara-

berako Udala osatuko lukete. Bai Arritxu Oliden alkatea, bai Xabier Sarasua Aralarreko zinegotzia gertu azaldu ziren eztabaidarako, baina abstenitu egin ziren eta ez zuten onartu mozioa.

Mendebaldeko Saharan gertatutako eskubide urraketak salatu eta elkartasuna adierazteko mozioa, bestalde, aho batez onartu zuten.

LANPOSTUEN BALORAZIOA

Udal langileen lanpostuen balorazioa egin du oraintsu LKSk, eta osoko bilkuran onartu zuten uztailaren hasteko aplikatzen. Hala, postuak baloratzeko irizpideak ezarritu utzi dituzte, eta funtzioak zehazten dituen liburuxka egin dute. Aurtengo soldata igoera ere zehaztu zieten langileei, Eudelek proposatutako 2,5, hain zuzen.




Azken hilabeteetako osoko bilkura guztietan izan dira Aretxa plataformako kideak



Kalitate goreneko estalketa elektrolitikoak

MIRVAT. Elkarte kooperatibo mugatua
Aingeru Guarda pasealekua 41
ESKORIATZA
943 71 45 06 Faxe: 943 71 50 05
www.mirvat.com



FARMAZIENTXANDA

ZAPATUA, 16
FRAILE Herriko Plaza, 10.. 943 79 21 99

DOMEKA, 17
FRAILE Herriko Plaza, 10.. 943 79 21 99

TELEFONOAK

OROKORRAK

Alimen	943 71 49 07
ARETXAGAZETA	943 79 86 21
Fava	943 77 18 54
Basobu	943 77 09 81
Euskaltegia	943 79 21 68
Gizarte laguntzailea	943 71 18 62
Industrialdea	943 79 62 80
Institutua	943 79 79 00
Kirol etxea	943 71 26 28
Kultura etxea	943 71 10 27
Gazteria saila	943 71 10 27
Kurtzebarri Eskola	943 79 00 49
Kurtzebarri BHI	943 79 57 40
K2Gunea	934 79 94 44
Liburutegia	943 71 18 62
Loramendi EE	943 77 09 70
Luboteka	943 79 05 81
Mankomunitatea	943 79 30 90
Murrutxo ME	943 79 93 74
Musika Eskola	943 79 36 50
Osasun etxea	943 71 19 59
Otalora	943 71 24 06
Parrokia (bulegoa)	943 79 18 42
Pausoka Haur Eskola	943 77 03 77
Postetxea	943 79 28 31
Basabeazpi Ikastola	943 71 21 18
Taxi geltokia	943 77 12 64
Udal Bulegoak	943 71 18 62
Udaltzaingoa	943 71 18 63
Urats Gain	943 79 99 11

UDALZAINGOA

Anasate 943 79 14 39 |

LARRIALDIK

SOS Delak	112
Eskualde Ospitalea	943 03 53 00
Ertzaingoa	943 79 71 99
Gurutze Gorria	943 76 55 76
Larrialdik	943 46 11 11
Suhiltzaileak (Onati)	943 78 28 00

Udalerriko izen guztiak dituen mapa egin dute

M.A.

Udalerrri osoko toponimia izenak jasotzen dituen lehenengo mapa egin du Udalak. Baserriak, basoak, zelaiak, errekek... Guztiak agertzen dira mapan, eta toponimiari dagokion azterketa sakona egin osteko emaitza da. Martitzenean aurkeztu zuten eta etxek etxe banatuko dute.

Ikermapa enpresak egin du mapa, eta Udaleko Hirigintza eta Euskara Sailek elkarlanean jardun dute 2003a ezker.

606 TOPONIMO

Mapa 1/10.000 eskalan eginda dago, eta Aretxabaletako udalerrri osoa jasotzen du. Herria bera ere agertzen da erdialdean. Toponimia

azterketa sakona egin du Ikermapa enpresak. Lehenengo, artxiboetako dokumentuak begiratu zituzten, eta 5.000 erreferentzia inguru aurkitu zituzten. Gero, ahozko erabilera aztertu zuten eta 606 toponimo jaso. Azkenik, idazteko forma normalduak proposatu zituzten Euskaltzaindiari.

IZURIETA 'S'-REKIN DA

Bitxikeria asko aurkitu dituzte; tartean, Isurieta izenaren kasua. Dokumentu guztietan s-rekin idatzita agertzen da, baina kartela egiterakoan z-rekin jarri zuten eta geroztik z-rekin erabili izan da.

Lanak zuzendu dituen Imanol Goikoetxearen esanetan, toponimoak galtzen doaz, eta oso garrantzitsua da kale edo etxe berriak egiterakoan herrian lehengo izen eta berbak erabiltzea.



Arritxu Olidenek eta lanak koordinatu dituen Imanol Goikoetxeak aurkeztu zuten mapa.

LABUR

'Ume, gazte ta agure, denok ondo pasau gure' izango da Andramaixetako esaldia

Andramaixetarako esaldi lehiaketara 12 talde aurkeztu ziren, 71 esaldi guztira. Hona irabazleak: *Ume, gazte ta agure denok ondo pasau gure* izango da egitaraukoa eta pegatinak egiteko erabiliko dituztenak: *Edanda, zezenaren aurrean danba!*; *Andramaixetan euskara gora bihotzetik agora*; eta *Ero, bero eta gero...*



Jende asko eta giro bikaina Larrinon

San Kristobal eguna izan zen joan zen domekan, eta Larrinoko auzotarrek jai giroa izan zuten aste bukaeran. Umeak gustura jolasean eta nagusiak gusturago tertulian.

Jai giroan dabilta auzoak: Aozaratzan hasi zituzten San Juan egunean, San-Pedroak Isurietan, Larrinokoak orain eta Santiago egunean Goroetan izango dituzte ospakizunak. /M.A.

BENGOA URDAITEGIA

Bertako okelak eta mortzilak

Durana 9. Aretxabaleta
Tel.: 943 79 19 79

AZKARATE AROZTEGIA

Telleria 19, B-0-2 B-0-3 BERGARA
Tel.: 943 76 47 19 - 610 884 020

Tarimak
Parket flotatzaileak, bernizatuak eta estratifikatuak

Zenbaki

- Kontabilitatea
- Fiskalitatea
- Lana
- Juridikoa

Aholkularitza

Basabe poligonoa F-O-10 (1. solairua) ARETXABALETA
Tel.: 943 71 21 12 - Faxa: 943 71 22 68

Karlos

Harakina

Santa Kurtz 5
Tel.: 943 71 25 54
20550 ARETXABALETA

MAITE

ILE APAINDEGIA

Sarasate 1 behea • Tel.: 943 79 59 05 • ARETXABALETA

Jou Diaz

Harakina

Loramendi 1
Tel.: 943 79 71 69
20550 ARETXABALETA

Mobiliario ARENAZA

- ALTZARIAK
- DISEINUA
- APAINKETA

Bizkaia 1 - Tel.: 943 79 08 07
ARETXABALETA

Leixargarateko aterpetxea konpontzen dabil Murrukixo ME

M.A.

Leixargarateko aterpetxean konponketa lanak egiten dabil Murrukixo Mendizale Elkartea. Lo egiteko lekuan egurra aldatu dute, beheko solairuan ohatzea jarri, kanpoaldea eta barrualdea margotu eta teilatuari konponketatxo batzuk egin dizkiote.

Degurixa eta Alabita bitartean dago aterpetxea, eta Aretxabaleta Kirol Elkartearena bada ere Murrukixo MEri eman zion kudeatzeko ardura. Orain konponketa lanak egiten dabilta.

LO EGITEKO LEKU GEHIAGO

Irailan 34 urte beteko ditu Leixargarateko aterpetxeak. Orain urtetxo batzuk, 1997an hain zuzen, berrikuntza batzuk egin zizkioten: beheko sua jarri, baldosa ipini zoruan, fosa septikoa egin eta eguzki-plaka bidezko argindarra dauka ordutik.

Urteok aurrera egin ahala, baina, zahartzen hasita zegoen eta konponketa batzuk behar zituen: "Arazorik handiena hezetasuna da. Gainera, barruko egurra pipiak jota zegoen eta aldatu beharreen", dio Murrukixoko presidente den Iñaki San Migelek. Hori horrela, lo egiten den lekuan egurra aldatu dute, beheko solairuan ohatzea edo litera jarri, barrualdea zein kanpoaldea margotu, eta teilatuko lehenengo teilak aldatu. Sukaldea aldatzeko asmoa ere badaukate, baina hori aurrerago egiteko utzi dute.



MURRUKIXO

Joan zen zapatuan 12 lagun inguru ibili ziren lanean Leixargarateko aterpetxean.

BORONDATEZ LANEAN

Lan horiek guztiak egiteko lagun asko hurreratu da Leixargarateko. Joan zen zapatuan, esaterako

12 laguneko koadrila ibili zen lanean, eta aste honetan bertan ere bi egunean joan dira hainbat lagun, lanok bukatzeko asmoz.

Aterpetxe apala da Leixargaratekoa, baina herritar ugari hurreratzen da bertara. Aste bukaera gehienetan egoten da beteta, batez ere udaberritik udazkenara bitartean. Orain, gainera, beste ohatze bat jarrita beheko solairuan 16 lagunendako lekua dago lo egiteko, eta 20 ingururendako bazkaltzeko. Ez da gero leku txarra gainean ditugun oporrak pasatzera joateko.

*Beste ohatze batekin
16 lagunendako
lekua dago lo egiteko
eta 20 ingururendako
bazkaltzeko*

LABUR

Koadrilen arteko zortzinako futbol txapelketa bihar, Kilometroak 2005ek antolatuta

Kilometroak 2005 taldeak eta Aretxabaleta Kirol Elkartea koadrilen arteko zortzinako futbol txapelketa antolatu dute. Bihar, zapatua, izango da Ibarra futbol zelaian. 09:30etik 15:00etara bitartean lehenengo fasea jokatu dute. Gero, bazkaria emango diete jokalariei kirol etxean, eta 17:00etatik aurrera finalak jokatu dituzte. 19:30ean izango da sari banaketa, eta ondoren kalejira.

Gauean, bestalde, 22:30etik aurrera kontzertuak egongo dira Ezkutu eta Orly tabernetan.

FOTOKIROLA



Bosgarren txapela Errasti anaiendako

Debarroko Pilota Txapelketako bosgarren txapela irabazi zuten joan zen zapatuan Errasti anaiek. Eskoriatzako Errarte eta Iñurategi izan zituzten aurrez aurre, eta hasieran berdinduta ibili baziren ere, eskoriatzarrek egindako hutsegiteak aprobetxatuta aurreratu eta 22-14 emaitzarekin bukatu zuten partida. /M.A.

Aretz

taberna

"Oilasko erreak eta paellak eramateko"

Markole 5
Tel.: 943 79 14 67
ARETXABALETA

PAGALDAI

*Opari denda
Lurrindegia*

Durana 33 • Aretxabaleta
943 79 10 14

Martin

erloju-denda

*Bere bezeroen
zerbitzura*

Mitarte 16
Tel.: 943 79 01 72
ARETXABALETA

GARBITU S. KOOP


Garbiketa orokorrak

Errekabarren 3- Behea
ARETXABALETA
Tel: 943 79 01 28

Expres



Santakurtz 16
943 79 23 43



EGUZKIGRAF

inprimategia

Abuztuaren 8tik 22ra
ITXITA

Ondo pasa Andramaixak!!

Aretxabaleta Industrialdea F-0-4
20550 Aretxabaleta

Tfnoa: 943 791 844 - Faxa: 943 792 941

E-mail: info@eguzkigraf.com

ATREBENTZIAEZPADA/ Emakumiek ondiokan be gizonak baino askoz lan gehixau egitten daue. Konforme?



LAURI BOLINAGA
Langillie



ENRIQUE BLANCO
Jubilaue



MERTXE MARITXALAR
Langillie



ALBERTO TROJAOLA
Jubilaue



TINA JUSTEL
Langillie



RODRIGO FERNANDEZ
Jubilaue

Bai, horixe. Hogeittik batek egingo dau lana bastante, baiñe bestelakuen emakumie da gehixau. Gaztiekin badoiez ikesixaz, baiñe ondiokan falta jakue eta amok ez dutzou erakutsi...

Bai. Gizonak iguel-iguel egin biherko leuke lan etxien. Ni saiaketan naz emazteiei lagunketan, baiñe matxista asko dau. Semiek, barrez, gutxi egitten dau, eta amek daukie kulpa haundixe.

Bai, neuk pentsau baietz. Banakan batzuk badabitz ikesten, baiñe ondiokan be poliki. Etxien eta umien ardura haundixenak emakumiek hartzen dittue, duda barik.

Bai, konforme nau. Gizonok be gerueu eta gehixau egitten dou, baiñe ondiokan etxeko antolamendue eurek erueten daue, naiz eta guk kolaborau. Gaztiekin hobeto datozela pentsetan dot.

Neu naz lelengue baietz esaten. Ez dot pentsetan asko falta jakuenik gaztiei parien jarteko, baiñe ondiokan be... Neuri bai kanpuen, bai etxien lan egittie tokau jaten.

Bai, duda barik. Asko igeriten da gaztiengan, orain dala hamabost urte gizona etxeko figura bat bakarririk zalako, eta oin ez. Hala eta be, ez dot uste sekule berdinduko zaugunik.

TXALOAKETATXISTUAK



TXISTUAK TXAKURREN KAKAK, BERRIRO Txakurrek egindako kaka jasotzeko behin eta berriz esan arren, mila eta bat kanpaina egin arren, argi dago norberaren borondatearen arabera dagoela, eta borondaterik ez dagoenean ez dago. Hortaz, herritarrok usain txarrak jasaten eta hankapean hartzen segitu beharko dugu. Lorategi gehiago behar direla herrian; zertarako? Kaka egiteko, noski. / M.A.

ORAINDELA 3URTEARETXABALETAN

Batzokia pintadaz eta margoz beteta agertu zen

Uztailaren 14 goizean, Batzokiko aurrealdea pintadaz beteta agertu zen. Espainiako bandera margotu zioten aldenik alde, eta EAJ alderdiaren aurkako esaldiak idatzi zituzten gainean. Margo larua eta gorria ere bota zuten atean. Lehenbailehen garbitzea erabaki zuen Gobernu Batzordeak.



ASTEKO DATUA

606

TOPONIMO JASO DITUZTE UDALERRIKO MAPAN

Udalerriko mapa egin berri du Udalak. 606 toponimo jaso dituzte bertan, eta 5.000 erreferentzia baino gehiago aurkitu XIX. mende hasierako dokumentuetan. Maparen 3.000 ale banatuko dituzte.

BESTEKEESANA

“ Ni momentu honetan Antiguan bizi naiz. Leku pribilegiatua da Antigua bizitzeko, Guatemalako hiribururitik ordu erdira dagoen herri kolonial oso polita da: Kafe landarez inguratua, etxeko atea zabaldu eta sumendia daukat aurrean... benetan leku polita bizitzeko. Hirian egiten dut lan eta bi aste bukaeratik behin bidaiatzea tokatzen zait lana dela-eta. Urruti joan behar izaten dut, iparraldera batzuetan baina normalean ekialdera, maiak bizi diren lekura. Irakasle eskola bat koordinatzen duen talde bateko parte naiz, eta maiak duten hezkuntza beharrei aurre egiten laguntzeko taldea da irakasle eskola hori, behar linguistikoak, kultura beharrak... Baina jakin maien mundua oso aberatsa dela alor guztietan: zientzia, hizkuntza... ”

IÑAKI GONZALEZ
Arrasate Irratia/05-07-05

HERRITARREN BERBAK/ Lore Abarik



Lesbiana jaio banintz...

Legea. Onartu berri dute ezkontzei buruzko lege berria eta badaude homosexualak ezkontzeko eskubidearen aurka adierazi direnak. Beno, egon ere egon da norbait homosexualtasuna patologia gisa definitu duena, hau da, gaixotasuna bailitz, baina ez dut lerro gehiago gastatuko adierazpen honi buruz iritzirik ematen. Astakeriak ez du komentariarik merezi. Uste dut lege hau gizartearentzat, denontzat, aurrerapauso handia izan dela, guztiok berdintasunerantz hurbilduko gaituen legea. Denok daukagu eskubide berdina izateko eskubidea. Guretzat izan duguna, nola ez dugu ba besteontzat eskatuko? Seme edo alaba homosexual bat banu, gutxienez nik eta bere aitak izan ditugun eskubide berdina izatea gustatuko litzaidake.

Umeak. Ba ez dakit. Aditu batzuek diote amaren eta aitaren profila ondo definituta

egon behar direla ume bat ondo hezteko. Beste batzuek diote ez dagoela hau ziurtatzen duen azterketa empirikorik. Bi gizon edo bi emakume ez direla gai ume baten heziketa bere osotasunean emateko? Eta nork ziurta dezake edozein bikote heterosexual guraso onenak izan daitezkeela? Ni ez naiz aditua eta beraz ezin dut aditu gisa hitz egin. Argi daukadana da ume bat hezteko maitasuna dela oinarritzeko eta garrantzitsua, eta maitasun hori izan behar dela printzipioak, baloreak, etab...

erakusteko bidea. Ume bat maitatu eta arretaz hezteko, norekin oheratzen zarenek badu orduan garrantzirik?

Lesbiana jaio banintz eta emakume bat maitatuko banu berarekin ezkontzea gustatuko litzaidake ziur asko. Ezingo nuke ulertu orduan, norbaitek berarentzat duen ezkontzeko eskubide hori niri ukatzea. Homo edo hetero, denok daukagu eskubidea zoriontsu izateko.

“Ezingo nuke ulertu orduan, norbaitek berarentzat duen ezkontzeko eskubide hori niri ukatzea”